

---

## Go Samuha Suktam

---

# गोसमूह सूक्त

---

## Document Information



---

Text title : gosamUha sUktam

File name : gosUktam.itx

Category : veda, sUkta, svara

Location : doc\_veda

Description/comments : Atharvaveda kANda 4 sUkta 21

Latest update : August 21, 2020

Send corrections to : sanskrit@cheerful.com

---

This text is prepared by volunteers and is to be used for personal study and research. The file is not to be copied or reposted without permission, for promotion of any website or individuals or for commercial purpose.

**Please help to maintain respect for volunteer spirit.**

---

Please note that proofreading is done using Devanagari version and other language/scripts are generated using **sanscript**.

---

August 21, 2020

*sanskritdocuments.org*

---



गोसमूह सूक्त



मा॒ता रु॒द्राणां॑ दु॒हिता॑ वसू॒नां स्वसा॑दित्यानाममृतस्य॒ नाभिः॑ ।  
प्र नु वोचं॑ चि॒कितु॑षे जना॒य मा गामना॑गामदितिं॒ वधि॑ष्ट ॥ ऋग्वेद ८.१०१.१५  
(अथर्ववेदसंहितायां चतुर्थकाण्डं एकविंशतिसूक्तम्)  
ऋषिः ब्रह्मा, देवता गोसमूह, छन्द त्रिष्टुप्, २-४ जगति  
आ गावो॑ अगमन्नुत॒ भद्रम॑क्रन्त्सीदन्तु गो॒ष्ठे रण॑यन्त्वस्मे ।  
प्रजा॑वतीः पुरु॒रूपा इ॒ह स्युरिन्द्रा॑य पूर्वीरु॒षसो दु॒हानाः ॥ १॥  
इन्द्रो॑ यज्वने गृणते च शिक्षत उपेह्वदाति न स्वं मुषायति ।  
भूयो॑भूयो रयिमिदस्य॒ वर्ध॑यन्नभिन्ने खिल्ये नि दधाति देवयुम् ॥ २॥  
न ता न॑शन्ति न दभाति तस्करो नासामामित्रो व्यथिरा दधर्षति ।  
देवांश्च॑ याभिर्यजते ददाति च ज्योगित्ताभिः सचते गोपतिः सह ॥ ३॥  
न ता अर्वा॑ रेणुककाटोऽश्रुते न संस्कृतत्रमुप यन्ति ता अभि ।  
उरु॑गायमभयं तस्य ता अनु गावो मर्तस्य वि चरन्ति यज्वनः ॥ ४॥  
गावो॑ भगो गाव इन्द्रो म इच्छाद्रावः सोमस्य प्रथमस्य भक्षः ।  
इमा॑ या गावः स जनास इन्द्र इच्छामि हृदा मनसा चिदिन्द्रम् ॥ ५॥  
यूयं॑ गावो मेदयथ कृशं चिदश्रीरं चित्कृणुथा सुप्रतीकम् ।  
भद्रं॑ गृहं कृणुथ भद्रवाचो बृहद्वो वय उच्यते सभासु ॥ ६॥  
प्रजा॑वतीः सूयवसे रुशन्तीः शुद्धा अपः सुप्रपाणे पिबन्तीः ।  
मा व स्तेन॑ ईशत माघशंसः परि वो रुद्रस्य हेतिवृणक्तु ॥ ७॥

गोसूक्तं स्वररहितम्

माता रुद्राणां दुहिता वसूनां स्वसादित्यानाममृतस्य नाभिः ।

प्र नु वोचं चिकितुषे जनाय मा गामनागामदितिं वधिष्ट ॥ ऋग्वेद ८-१०१-१५

(अथर्ववेदसंहितायां चतुर्थकाण्डं एकविंशतिसूक्तम्)

आ गावो अग्नन्नृत भद्रमक्रन्त्सीदन्तु गोष्ठे रणयन्त्वस्मे ।

प्रजावतीः पुरुरूपा इह स्युरिन्द्राय पूर्वीरुषसो दुहानाः ॥ १॥

इन्द्रो यज्वने गृणते च शिक्षत उपेह्वदाति न स्वं मुषायति ।

भूयोभूयो रयिमिदस्य वर्धयन्नभिन्ने खिल्ये नि दधाति देवयुम् ॥ २॥

न ता नशन्ति न दभाति तस्करो नासामामित्रो व्यथिरा दधर्षति ।

देवांश्च याभिर्यजते ददाति च ज्योगित्ताभिः सचते गोपतिः सह ॥ ३॥

न ता अर्वा रेणुककाटोऽश्रुते न संस्कृतत्रमुप यन्ति ता अभि ।

उरुगायमभयं तस्य ता अनु गावो मर्तस्य वि चरन्ति यज्वनः ॥ ४॥

गावो भगो गाव इन्द्रो म इच्छाद्गावः सोमस्य प्रथमस्य भक्षः ।

इमा या गावः स जनास इन्द्र इच्छामि हृदा मनसा चिदिन्द्रम् ॥ ५॥

यूयं गावो मेदयथ कृशं चिदश्रीरं चित्कृणुथा सुप्रतीकम् ।

भद्रं गृहं कृणुथ भद्रवाचो बृहद्वो वय उच्यते सभासु ॥ ६॥

प्रजावतीः सूयवसे रुशन्तीः शुद्धा अपः सुप्रपाणे पिबन्तीः ।

मा व स्तेन ईशत माघशंसः परि वो रुद्रस्य हेतिर्वृणक्तु ॥ ७॥

---

*Go Samuha Suktam*

pdf was typeset on August 21, 2020

---

Please send corrections to [sanskrit@cheerful.com](mailto:sanskrit@cheerful.com)

